

## Izveštaj o radu Uprave policije MUP-a Kantona Sarajevo za mjesec oktobar 2021. godine

### KRIMINALITET

#### STATISTIČKI POKAZATELJI

U mjesecu oktobru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 378 događaja sa obilježjem krivičnog djela (što je za 295 ili 43,8% manje u odnosu na oktobar prethodne godine, a za 27 ili 6,7% manje u odnosu na prethodni mjesec).

Od ukupnog broja registrovanih događaja sa obilježjem krivičnog djela, **193** ili 51,1% je evidentirano po poznatom izvršiocu, a 185 ili 48,9% po nepoznatom izvršiocu.

Od ukupno 185 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 42 ili 22,7% (što je za 1,2% više u odnosu na uporedni mjesec) od čega su tri registrovana u izvještajnom mjesecu, a 39 u ranijem periodu.

U izvještajnom mjesecu Uprava policije MUP KS je nadležnom tužilaštvu prosljedila na odluku putem administrativnog djelovodnika ukupno 259 obavijesti (105 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU OKTOBRU 2021./20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>OKTOBAR 2021. GODINE</b>	<b>378</b>	<b>193</b>	<b>185</b>	<b>42</b>	<b>39</b>	<b>231</b>	<b>8</b>	<b>111</b>	<b>110</b>	
OKTOBAR 2020. GODINE	673	334	339	73	23	270	5	145	96	
uporedba	+/-	-295	-141	-154	-31	16	-39	3	-34	14
	%	-43,8%	-42,2%	-45,4%	-42,5%	69,6%	-14,4%	60%	-23,4%	14,6%

U toku mjeseca oktobra ove godine prijavljeno je 231. lice (39 manje), od kojih je 111 povratnika (34 manje) (ili 48,1% od ukupnog broja prijavljenih lica), osam maloljetnika (tri više), a 110 lica je lišeno slobode (14 više).

Za događaje sa obilježjem krivičnog djela, koji su evidentirani u mjesecu oktobru 2021. godine, prema izjavama oštećenih lica, nastupila je materijalna šteta u ukupnom iznosu od 1.150.623,00 KM i 700 €.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU OKTOBRU 2021./20. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a

KZ FBiH-a i KZ BiH-a	OKTOBAR 2021. GODINE	OKTOBAR 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijljenih događaja	
			+ / -	%			broj	%
Protiv života i tijela	21	17	4	23,5%	21	0	0	---
Protiv slobode i prava čovjeka i građanina	23	25	-2	-8%	23	0	0	---
Protiv spolne slobode i morala	1	0	1	---	1	0	0	---
Protiv braka, porodice i mladeži	27	26	1	3,8%	27	0	0	---
Protiv zdravlja ljudi	22	45	-23	-51,1%	22	0	0	---
Protiv imovine	231	346	-115	-33,2%	50	181	42	23,2%
Protiv okoliša, poljoprivrede i prirodnih dob.	0	3	-3	---	0	0	0	---
Protiv opće sigurnosti ljudi i imovine	8	10	-2	-20%	4	4	0	0%
Protiv sigurnosti javnog prometa	13	6	7	116,7%	13	0	0	---
Protiv pravosuđa	9	1	8	800%	9	0	0	---
Protiv javnog reda i pravnog prometa	11	24	-13	-54,2%	11	0	0	---
Protiv podmićivanja i krivičnih djela protiv službene i druge odgovorne funkcije	7	168	-161 <sup>1</sup>	-95,8%	7	0	0	---
ZONDINOIM-a (Sl.novine Kantona Sarajevo br.01/18)	5	2	3	150%	5	0	0	---
<b>UKUPNO</b>	<b>378</b>	<b>673</b>	<b>-295</b>	<b>-43,8%</b>	<b>193</b>	<b>185</b>	<b>42</b>	<b>22,7%</b>

U mjesecu oktobru 2021. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 295 ili 43,8%. Najznačajnije smanjenje zabilježeno je u oblastima: protiv podmićivanja i krivičnih djela protiv službene i druge funkcije (za 161 događaj) i protiv imovine (za 115), dok su povećanja evidentirana u oblastima protiv: pravosuđa (za osam), sigurnosti javnog prometa (za sedam), života i tijela (za četiri događaja), itd.

#### PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

##### PROTIV ŽIVOTA I TIJELA

U toku mjeseca oktobra 2021. godine evidentiran je 21 događaj sa obilježjem krivičnog djela iz oblasti protiv života i tijela (četiri više u odnosu na oktobar 2020. godine) i svi su evidentirani po poznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – osam događaja,
- teška tjelesna ozljeda u pomaganju (član 172. u vezi člana 33. KZ FBiH) – jedan i
- lahka tjelesna ozljeda (član 173. KZ FBiH) – 12 događaja.

Nadležnom tužilaštvu podneseni su službeni izvještaji protiv 22 lica, od kojih je deset povratnika, a dva su lišena slobode.

##### 1.2.2. PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 događaja sa obilježjem krivičnog djela (dva manje) i to: ugrožavanje sigurnosti – 22 i protupravno lišenje slobode – jedan događaj, za čije izvršenje je prijavljeno 27 lica, od kojih je 13 povratnika (ili 48,1%), a četiri su lišena slobode.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu oktobru evidentirano je 27 događaja sa obilježjem krivičnog djela (jedan više) i to nasilje u porodici, za čije je izvršenje je prijavljeno 27 lica, od kojih je 18 povratnika (ili 66,7%) i 18 lica je lišeno slobode.

#### PROTIV ZDRAVLJA LJUDI

Evidentirana su 22 događaja sa obilježjem krivičnog djela iz ove oblasti (23 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 18 događaja.

Nadležnom tužilaštvu podneseni su službeni izvještaji protiv 24 lica, među kojima je 16 povratnika (ili 66,7%) i 14 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv šest lica zbog postojanja osnova sumnje da su u proteklom periodu u više navrata kupovali opojnu drogu "Marihuana", „Amfetamin“ na raznim lokalitetima, od za sada nepoznatih lica, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 18 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

#### PREGLED ODUZETE OPOJNE DROGE U MJESECU OKTOBRU 2021./20. GODINE

VRSTA OPOJNE DROGE	OKTOBAR 2021.GODINA	OKTOBAR 2020. GODINA
Marihuana (u gramima)	1.010,109	179,455
Marihuana (paketići)	2	8
Amfetamin (paketići)	1	5
Amfetamin (u gramima)	76,465	146,577
Ecstasy (tablete)	1	0
Kokain (u gramima)	0,302	---
Canabis (stabljike)	1	0
Pribor sa ostacima droge	2	0

#### PROTIV IMOVINE

U ovom mjesecu, evidentiran je 231 događaj sa obilježjem krivičnog djela protiv imovine (50 po poznatom i 181 po nepoznatom izvršiocu) što je za 115 ili 33,2% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 103 (63 manje),
- krađa (član 286. KZ FBiH) – 73 (40 manje),
- oštećenje tuđe stvari (član 293. KZ FBiH) – 16 (14 manje)
- razbojništvo (član 289. KZ FBiH) – 15 (11 manje), itd.

Nadležnom tužilaštvu podneseni su službeni izvještaji protiv 53 lica, od kojih je 35 povratnika (ili 66%), a 24 lica su lišena slobode.

Od ukupno 181. događaja, evidentiranog po nepoznatom izvršiocu iz oblasti protiv imovine, naknadno su rasvijetljena 42 ili 23,2%, što je za 2,8% više u odnosu na oktobar 2020. godine.

Evidentirano je 11 otuđenja motornih vozila, od čega su tri pronađena i vraćena vlasnicima (dva vozila su vraćena od strane Uprave policije MUP-a KS – i jedno vozilo je pronašao vlasnik).

Broj otuđenih motornih vozila u odnosu na uporedni mjesec smanjen je za pet ili 31,3%.

Evidentirana su 73 događaja sa obilježjem krivičnog djela krađe (40 manje) i to: na ulici – 24 puta, u poslovnim prostorima – 21, u stambenim objektima - 12, u vozilima i na stajalištima GRAS-a – osam, itd. odakle su otuđivani mobiteli, novčanici, cigarete, bicikli, električni romobili, itd.

Evidentirano je sedam događaja sa obilježjem krivičnog djela teških krađa na naročito opasan ili naročito drzak način (četiri manje), u kojima su izvršiocu, upotrebom fizičke snage (otimanjem i trganjem) - šest puta i verbalnom prijetnjom u jednom slučaju, otimali mobitele i novčanike, a evidentirani su na ulici - pet i u vozilima GRAS-a – dva puta.

Nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, koja su lišena slobode.

U mjesecu oktobru ove godine evidentirano je 15 događaja (dva po poznatom i 13 po nepoznatom izvršiocu) sa obilježjem krivičnog djela razbojništva (11 manje) i to na području slijedećih policijskih uprava: III PU - šest (isti broj), IV PU - šest (isto), V PU - dva (pet manje) i II PU - jedan događaj (jedan manje).

Razbojništva su izvršena prijetnjom upotrebe vatrenog oružja - šest puta, prijetnjom upotrebe noža ili drugog oštrog predmeta – pet i upotrebom fizičke snage – četiri puta, a počinjena su u poslovnim prostorijama – osam puta, na ulici – četiri, u sportskim kladionicama – dva i na benziskoj pumpi – jedno. Otuđivani su mobiteli i novac.

U mjesecu oktobru ove godine naknadno je rasvijetljeno osam razbojništava evidentiranih po nepoznatom izvršiocu u ranijem periodu, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica, povratnika u činjenju krivičnih djela, koja su lišena slobode.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (dva manje) i to: izazivanje opće opasnosti – šest i nesavjesno čuvanje pasa i drugih opasnih životinja – dva, za čije izvršenje su nadležnom tužilaštvu podneseni službeni izvještaji protiv četiri lica, a dva su lišena slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – pet puta i u stambenom objektu jedan pri čemu je u jednom slučaju pronađena nepoznata eksplozivna naprava, dva puta otvorenim plamenom izazvan požar i u tri slučaja je upotrijebljeno vatreno oružje. Posljedice su nastala materijalna šteta i uznemirenost građana.

## PROTIV PRAVOSUĐA

U ovoj oblasti evidentiran je devet događaj sa obilježjem krivičnog djela (osam više) – udruživanje radi činjenja krivičnih djela, za čije izvršenje su nadležnom tužilaštvu podneseni službeni izvještaji protiv 39 lica, a 37 je lišeno slobode.

## PROTIV JAVNOG REDA I PRAVNOG PROMETA

U ovoj oblasti evidentirano je 11 događaja sa obilježjem krivičnog djela (13 manje) i to: nasilničko ponašanje – osam, skidanje ili povreda službenog pečata ili znaka, krivotvorenje isprave i posebni slučajevi krivotvorenja isprave – po jedan događaja.

Nadležnom tužilaštvu podneseni su službeni izvještaji protiv 20 lica od kojih je osam povratnika (ili 40%), a dva su lišena slobode.

## DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu oktobru 2021. godine evidentirana su četiri događaja sa obilježjem krivičnog djela, u kojima je učestvovalo osam maloljetnih lica. U odnosu na isti mjesec 2020. godine povećan je broj maloljetnih lica za tri ili 60%, a broj događaja sa obilježjem krivičnog djela smanjen za jedan ili 20%. Prijavljeni maloljetnici su u dobi do 16 godina – pet, od 16 do 18 godina – tri.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČRSTVOVALA MALOLJETNA LICA U MJESECU OKTOBRU 2021/2020. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
<b>OKTOBAR 2021. GODINE</b>	<b>4</b>	<b>8</b>
OKTOBAR 2020. GODINE	5	5
uporedba	-1 ili 20%	+3 ili 60%

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca oktobra 2021. godine na području Kantona Sarajevo nije bilo evidentiranih događaja aktiviranja minsko-eksplozivnih sredstava (tri u oktobru 2020. godine).

U toku mjeseca oktobra 2021. godine evidentirana je jedna anonimna dojava o postavljenoj eksplozivnoj napravi u blizini škole na području općine Stari grad (isto kao u oktobru 2020. godine). Nakon KDZ pregleda utvrđeno je da je dojava bila lažna. Identifikovan je izvršilac, koji je uputio lažnu dojavu, protiv kojeg su preduzete zakonske mjere.

### POŽARI

Tokom mjeseca oktobra 2021. godine, na području Kantona Sarajevo registrovano je devet požara (devet manje u odnosu na isti mjesec prethodne godine), u kojima je jedno lice povrijeđeno.

Prema statističkim pokazateljima, četiri požara su izazvana zbog tehničkih nedostataka, dva namjerno, jedan nehatom, dok uzroci dva požara spadaju u kategoriju ostalih.

Požari su registrovani u:

- Saobraćajnom sredstvu - tri puta,
- Stambenim objektima - dva,
- Poslovnim prostorima - dva,
- Ostalim objektima - dva puta.

Zbog izazivanja požara nadležnom tužilaštvu podnesena su dva službena izvještaja za počinjeno krivično djelo iz člana 323 KZ FBiH (izazivanje opće opasnosti).

#### SAMOUBISTVA

U mjesecu oktobru 2021. godine na području Kantona Sarajevo registrovano je sedam samoubistava (pet više), koja su izvršena: skakanjem sa visine - tri puta, vješanjem i upotrebom vatrenog oružja - po dva puta.

Izvršiocu su: šest osoba muškog i jedna osoba ženskog spola.

Muškarci su starosne dobi: preko 60 godina - četiri lica, od 18 do 24 i od 30 do 40 godina - po jedno lice. Žena je starosne dobi između 40 i 50 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 14 pištolja, četiri puške, tri noža, 305 komada municije različitog kalibra i jedan predmet podoban za nanošenje tjelesnih ozljeda.

Fizičkim licima izdato je 119 odobrenja za nabavku vatrenog oružja i 128 oružnih listova.

U okviru depešnog saobraćaja, obrađeno je i razmjenjeno ukupno 35.807 depeša i to: predate su 14.394 depeše, primljena 22.921., tranzitirane 1.044 i putem faksa predate 53 depeše.

#### JAVNI RED I MIR

U toku mjeseca oktobra 2021. godine u oblasti protiv javnog reda i mira evidentirana su 273 prekršaja (639 ili 70,1% manje u odnosu na isti mjesec 2020. godine), a za izvršenje navedenih prekršaja prijavljeno je 301 lice (628 ili 67,6% manje), od čega je 40 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 208 naloga i podneseno je 65 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 258 prekršaja (ili 94,5%), a na prekršaje koji su utvrđeni Odlukom općinskih vijeća o javnom redu i miru 15 (ili 5,5%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (151), između 26 i 35 godina (100), između 19 i 25 godina (46) i do 18 godina (četiri). Prilikom narušavanja javnog reda i mira u mjesecu oktobru 2021. godine, nije bilo teže povrijeđenih lica (isto kao u oktobru 2020. godine), dok je 10 lica (tri više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC OKTOBAR 2021/2020.GODINA

STRUKTURA PREKRŠAJA	oktobar 2021.	oktobar 2020.	uporedba
UKUPNO prekršaja	273	912	-639 ili 70,1%
UKUPNO lica	301	929	-628 ili 67,6%
Prekršaji prema Zakonu JRiM:	258	895	-637 ili 71,2%
-Tuča	29	25	+4 ili 16%
-Naročito drsko ponašanje	44	46	-2 ili 4,3%
-Odbijanje naredenja i omalovažavanje pol. služb.	22	15	+7 ili 46,7%
-Prosjačenje	87	114	-27 ili 23,7%
-Uživanje opojne droge na javnom mjestu	12	7	+5 ili 71,4%
-Svađa, vika, nepristojno ponašanje	15	13	+2 ili 15,4%
-Ostali prekršaji	49	675	-626 ili 92,7%
Prekršaji prema Odluci općinskih vijeća o JRM	15	17	-2 ili 11,8%

Iz tabelarnog pregleda vidljivo je, da je tokom mjeseca oktobra 2021. godine, u odnosu na oktobar prethodne godine prema strukturi prekršaja povećan broj:

- odbijanje naređenja i omalovažavanje policijskih službenika za sedam ili 46,7%,
- uživanja opojne droge na javnom mjestu za pet ili 71,4%,
- tuča za četiri ili 16%,
- svađa, vika, nepristojno ponašanje za dva ili 15,4%;

dok je smanjen broj:

- ostalih prekršaja za 626 ili 92,7%,
- prosjačenja za 27 ili 23,7%,
- naročito drskog ponašanja za dva ili 4,3% i
- prekršaja koji su regulisani Odlukom općinskih vijeća za dva ili 11,8%.

Prema vrsti prekršaja, najbrojniji su sljedeći prekršaji: prosjačenje (87 ili 31,9% od ukupnog broja), naročito drsko ponašanje (44 ili 16,1%), tuče (29 ili 10,6%) odbijanje naređenja i omalovažavanje policijskih službenika (22 ili 8%), svađa, vika, nepristojno ponašanje (15 ili 5,5%) i uživanje opojne droge na javnom mjestu (12 ili 4,4%). Takođe, evidentirano je 49 prekršaja iz kategorije ostali prekršaji i 15 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (247 ili 90,5% od ukupnog broja), a znatno manje u ugostiteljskim objektima – pet, u vozilima javnog saobraćaja i u trgovinama i zanatskim radnjama – po jedan i na ostalim mjestima 19 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC OKTOBAR 2021/2020. GODINE

MJESTO IZVRŠENJA	OKTOBAR 2021.	OKTOBAR 2020.	uporedba
Ulica i drugi otvoreni prostor	247	894	-647 ili 72,4%
Ugostiteljski objekti	5	2	+3 ili 150%
Vozila javnog saobraćaja	1	---	+1
Škole i školska dvorišta	---	---	---
Trgovine i zanatske radnje	1	---	+1
Ostala mjesta	19	16	+3 ili 18,7%
UKUPNO	273	912	-639 ili 70,1%

U odnosu na isti mjesec 2020. godine, smanjen je broj prekršaja evidentiranih na ulici i drugim otvorenim prostorima za 647 ili 72,4%, dok je povećan broj prekršaja na svim ostalim mjestima.

Na području Kantona Sarajevo u mjesecu oktobru 2021. godine održano je 256 javnih skupova (53 ili 17,1% manje u odnosu na mjesec oktobar 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 39 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu oktobru 2021. godine registrovano je 589 saobraćajnih nezgoda (238 ili 28,8 % manje), od čega je 528 sa materijalnom štetom (221 ili 29,5 % manje) i 61. sa nastradalim licima (17 ili 21,8 % manje).

U navedenim saobraćajnim nezgodama 79 lica je povrijeđeno (osam ili 9,2 % manje), od čega 11 teže i 68 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU OKTOBRU 2021./20. GODINE

	oktobar 2021.	oktobar 2020.	uporedba
UKUPNO SAOBRAĆAJNIH NEZGODA	<b>589</b>	827	-238 ili 28,8 %
Saobraćajne nezgode sa nastradalim licima	<b>61</b>	78	- 17 ili 21,8 %
Saobraćajne nezgode sa materijalnom štetom	<b>528</b>	749	- 221 ili 29,5 %
POGINULO LICA	<b>0</b>	2	-2
- vozači	<b>0</b>	1	- 1
-putnici	<b>0</b>	0	----
- pješaci	<b>0</b>	1	- 1
POVRIJEĐENO LICA	<b>79</b>	87	- 8 ili 9,2 %
- vozači	<b>40</b>	52	- 12 ili 23,1 %
- putnici	<b>25</b>	26	- 1 ili 3,8 %
- pješaci	<b>14</b>	9	+ 5 ili 55,5 %

U naselju je registrovano 540 saobraćajnih nezgoda (58 sa povrijeđenim licima i 482. sa materijalnom štetom), van naselja 49 nezgoda (tri sa povrijeđenim licima i sa 46 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU OKTOBRU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	0	9	49	482	<b>540</b>	0	11	64
van naselja	0	0	3	46	<b>49</b>	0	0	4
<b>UKUPNO</b>	<b>0</b>	<b>9</b>	<b>52</b>	<b>528</b>	<b>589</b>	<b>0</b>	<b>11</b>	<b>68</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 349 nezgoda u kojima su 44 lica povrijeđena (osam teže i 36 lakše),
- na magistralnim putevima - 59 nezgoda u kojima je 16 lica lakše povrijeđeno,
- na lokalnim putevima - 38 (šest lica povrijeđeno, tri teže i tri lakše),
- na regionalnim putevima - 28 (jedno lice lakše povrijeđeno),
- na putevima koji se ubrajaju u kategoriju ostalih - 115 nezgoda u kojima je 12 lica lakše povrijeđeno

POSLJEDICE SAOBRAĆAJNIH NEZGODA

Tokom mjeseca oktobra 2021. godine, u saobraćajnim nezgodama na području Kantona Sarajevo 79 lica je povrijeđeno (osam ili 9,2 % manje), od čega 11 teže (sedam ili 175 % više) i 68 lakše (15 ili 18,1% manje). Poginulih lica nije bilo.

LICA POVRIJEĐENA U SAOBRAĆAJNIM NEZGODAMA

Od ukupno 79 povrijeđenih lica u mjesecu oktobru 2021. godine evidentirano je: 40 vozača (četiri teže i 36 lakše), 25 putnika (tri teže i 22 lakše) i 14 pješaka (četiri teže i 10 lakše).



Starosna struktura nastradalih lica u saobraćajnim nezgodama je slijedeća:

- Ispod šest godina - dva lica,
- od 6 do 17 godina - osam,
- od 18 do 20 godina -10,
- od 21 do 24 godine - osam,
- od 25 do 30 godina - 15,
- od 31 do 40 godina - 13,
- od 41 do 50 godina - devet,
- od 51 do 65 godina - sedam,
- 66 i više godina - šest,
- nepoznata starosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - osam,
- od 23 do 30 godina - 14,
- od 30 do 40 godina - osam,
- od 40 do 50 godina - četiri,
- od 50 do 60 godina - pet,
- 60 i više godina - jedno lice.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 509 (62 lica povrijeđena, 11 teže i 51. lakše),
- neprilagođena brzina - 79 (17 lica lakše povrijeđeno),
- uticaj alkohola - jedna saobraćajna nezgoda (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2021. godine, policijski službenici Uprave policije MUP-a Kantona Sarajevo kontrolisali su:

- 17.265 vozila i vozača (2.363 više),
- 4.303. lica u vozilima (448 manje),
- pregledali 220 vozila (78 više) i 170 lica u vozilima (24 više).

Zbog tehničke neispravnosti iz saobraćaja je isključeno 45 vozila (39 više), 296 vozača je zatečeno da upravljaju vozilom pod dejstvom alkohola (109 više), 360 bez korištenja sigurnosnog pojasa (47 više), 244 bez položenog vozačkog ispita (80 više), 77 pod izrečenom zaštitnom mjerom (11 više), 361 vozač je zatečen da koristi mobitel tokom vožnje (13 više) i 322 vozila su učestvovala u saobraćaju bez važeće registracije (304 manje).

Zbog kršenja propisa iz oblasti sigurnosti saobraćaja uručena su 16.733 prekršajna naloga vozačima (1.470 ili 9,6 % više u odnosu na oktobar prošle godine) i podnesena 263 zahtjeva za pokretanje prekršajnog postupka (27 ili 9,3 % manje).

## MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca oktobra 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 8.633 prekršajna naloga (2.859 više), upozoreno je 246 vozača (18 manje), a specijalnim vozilom "pauk" premješteno je 98 vozila (27 manje).

Takođe, pješacima koji su kršili propise uručeno je 50 prekršajnih naloga (38 manje), a upozoreno je 14 pješaka (45 manje).

## ZAKONITOST U RADU

Tokom mjeseca oktobra 2021. godine, nisu registrovani napadi na policijske službenike Uprave policije MUP-a Kantona Sarajevo. U istom mjesecu prošle godine evidentirana su tri napada.

Takođe, u mjesecu oktobru 2021. godine registrovan je jedan slučaj opravdane upotrebe sile.

Razmatrana je 31. predstavka na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 16 predstavki (isti broj) provede unutrašnja istraga, za 13 predstavki je odlučeno da se izvrše provjere i prikupi dokumentacija, a za dvije predstavke da su nesnovane.

Od 31. razmatrane predstavke, 20 je podneseno od strane građana, dok 11 predstavki predstavljaju saznanja iz službe.

Okončano je 17 unutrašnjih istraga, od čega je 10 bilo bez dovoljno dokaza, u šest slučajeva istrage su neosnovane, dok je u jednom slučaju stranka odustala od žalbe.

## RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca oktobra 2021. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Nastavljena je realizacija projekta „Program socijalizacije s pravom“, „Lopov bude uvijek otkriven“, „Nasilje putem informativno-komunikacijskih tehnologija“, „Djeca u saobraćaju“, „Policajac prijatelj“ u osnovnim i srednjim školama na području Kantona Sarajevo,
- Održane su edukacije na teme „Rodna ravnopravnost u policijskim strukturama“, i „Socijalna pravda“,

Osim navedenog, policajci u zajednici su pratili poštivanje izrečenih zaštitivih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

## MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu oktobru 2021. godine, u prihvatnim, azilantskim i imigracionim centrima boravi cca 1.698 migranata.

Tokom mjeseca oktobra 2021. godine migranti su učestvovali u četiri događaja sa obilježjem krivičnog djela i to:

- teška tjelesna ozljeda (čl. 172. KZ FBiH),
- posjedovanje i omogućavanje uživanja opojnih droga (čl. 239. KZ FBiH),
- razbojništvo (čl. 289. KZ FBiH) i
- oštećenje tuđe stvari (čl. 293. KZ FBiH) - po jedan događaj.

Policijski službenici Uprave policije MUP-a Kantona Sarajevo su u mjesecu oktobru 2021. godine proveli ukupno pet akcija, kontrolisali 128 migranta, od čega 29 nije posjedovalo registracijski obrazac, 18 je predato službi za poslove sa strancima radi registracije i 37 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC OKTOBAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.698
UKUPAN BROJ KONTROLISANIH MIGRANATA	128
BROJ MIGRANATA LIŠENIH SLOBODE	3
BROJ KRIVIČNIH DJELA POČINJENIH OD STRANE MIGRANATA	4
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	5
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	5
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	55

Sarajevo, 11.11.2021. godine

Odjeljenje za odnose s javnošću